

ALTA CONNECTIONS

Tsab Ntawv Xov Xwm Luam Tawm Ib Xyoo Plaub Zaug Coj Los Qhia Cov Neeg Peb Pab, Cov Neeg los sis Chaw Npaj Cov Kev Pab, thiab Cov Neeg Ua Hauj Lwm Rau Alta



Mus kawm kom paub ntau tshaj qhov no hais txog lub lag luam zov me nyuam ntawm no nyob rau phab ntawv 14.

TUS NEEG SAIB XYUAS KEV KHIIV HAUJ LWM COV LUS TSHAJ XO

Tus Neeg Saib Xyuas Kev Khiav Hauj Lwm Lori Banales

Nyob rau peb lub hlis tag los no, peb muaj ntau ntau qhov dej num nyob ntawm ACRC, uas peb yeej tau sib zog los mus nrhiav koom tes nyob hauv peb lub zej zos thiab los mus nrhiav kom tau kev pab los sis nyiaj txiag ntxiv coj los pab kom tau cov tib neeg uas peb pab lawv. Kev nthuav qhov txuj ci hu ua Technology Pilot kom dab yeej yog ib qhov uas peb tau sib zog los khiav rau peb lub chaw pab neeg xiam oob qhab nyob hauv teb cheeb tsam. Qhov hauj lwm ntawm no yeej siv txuj ci technology coj los daws cov teeb meem uas yuav muaj tshwm sim tau rau cov tib neeg nyob hauv lub zej zos, yuav ua rau lawv tsis tag siv cov neeg ua hauj lwm los pab lawv ntau thiab yuav ua rau lawv muaj cib fim ntau los mus saib xyuas lawv tus kheej. Cov lus ua pov thawj los ntawm thawj cov tib neeg uas siv yeej hais tias nws yog ib qhov uas "pauv tau lub neej". Peb tab tom muab qhov hauj lwm ntawm no coj mus siv nyob hauv txoj kev ua hauj lwm, uas yuav muab Ray-Ban Meta cov iav qhov muag coj mus rau cov tib neeg nyob hauv lub chaw ua hauj lwm siv. Peb yeej cia siab hais tias cov iav qhov muag yuav pab tau cov tib neeg zoo ib yam li qhov uas peb twb pom los lawm. Cov hauj lwm ntawm no qhia hais tias ACRC yeej muab siab nrhiav tswv yim tshiab coj los ua kom cov tib neeg nyob tau lawv tus kheej tsis tag muaj lwm tus neeg pab. Nrog rau qhov ntawm no, ACRC yeej zoo siab los mus koom tes nrog IHSS Connect. Lub vas sab ntawm no yeej qhia txog kev nyab xeeb thiab yeej yog ib lub vas sab siv tau yooj yim uas cov tib neeg siv kev pab thiab/los sis lawv tsev neeg yeej mus nrhiav tau IHSS cov neeg tu tib neeg, nrog rau kev pab cov neeg uas lawv xav nrhiav cov hauj lwm tu tib neeg ua. Tam sim no, IHSS yeej muab lub vas sab txhais ua 11 yam lus.

MUAJ DAB TSI NYOB HAUV TSAB NTAWV XOY XWM NTAWM NO:

- LUS TSHAJ XO LOS NTAWM TUS NEEG SAIB XYUAS KEV KHIIV HAUJ LWM
- COV DEJ NUM MUS TSHAJ TAWM SAB NRAUM KOJ TIB NEEG PAUB TXOG
- PRIDE INDUSTRIES
- COV KEV NCO TXOG NEEG UA HAUJ LWM
- COV NEEG UA HAUJ LWM TAU ZOO TSHAJ NYOB HAUV LUB HLI NO
- HNUB UAS ARCA MUS NROG COV TXWJ LAUS SAU KEV CAI LIJ CHOJ SIB THAM
- GOGO GRANDPARENT
- KEV MUAB QHOV KEV PAB CUAM DSP COLLABORATIVE COJ MUS SIV KOM DAV NTXIV
- DDS QHOV KEV QHIA KOM NEEG PAUB MUAB IB QHOV TEEB MEEM TSHWJ XEEB SAU MUAJ NTAUB NTAWV TSEG
- COV KEV SIB SAU LOS MLOOG NEEG HAIS LUS
- IHSS CONNECT
- KEV KOS NPE RAU QHOV IPPS
- GRANDCARE SYSTEMS
- YUAV NUG MUS RAU LEEJ TWG
- QHOV KEV SIM SIV RAY BAN META
- MICROENTERPRISE YOG DAB TSI
- LUS PIAV QHIA TXOG IB TUS KWS KOS DUAB UAS PEB TAU XAIV COJ LOS QHIA RAU SAWV DAWS
- COV LAG LUAM TSHIAB HAUV PEB LUB HLIS TOM QAB KAWG HAUV XYOO 2025

LUS TSHAJ TAWM

ACRC yuav muaj lub rooj sib tham uas muaj txhua txhua peb lub hlis twg los nrog pej xeem sib tham rau saum huab cua rau thaum Lub Tsib Hlis, Tim 6, 2026, thaum 11 teev sawv ntov - 12 teev tav su

Thov nco ntsoov: ACRC lub rooj sib tham uas muaj txhua txhua peb lub hlis twg yog ib lub sij hawm uas npaj coj los qhia pej xeem hais txog txhua yam uas muaj tshwm sim nyob hauv lub chaw pab neeg xiam oob qhab thiab los mus nrog peb cov pej xeem sib tham. Qhov no yeej tsis yog ib qhov chaw rau cov teeb meem uas cuam tshuam rau cov tib neeg uas siv peb cov kev pab xwb. Cov kev sib tham ntawd yeej yog ib cov uas yuav mus tham tau nyob rau thaum Cov Neeg Sib Pab Hauj Lwm tseem tab tom npaj los sis rau thaum muaj kev sib tham ib tauj ib. Ua tsaug rau koj txoj kev nkag siab txog qhov uas yuav tsum tau ceev ntaub ntawv los sis lus kom lwm cov neeg tsis txhob paub txog ib tus neeg. Yog xav paub ntau tshaj qhov no, mus xyuas ntawm <https://www.altaregional.org/calendar> mus nrhiav qhov link. Txawm tsis muab npe ua ntej mus koom los yeej mus koom tau.

TUS NEEG SAIB XYUAS KEV KHIIV HAUJ LWM COV LUS TSHAJ XO - TXUAS NTXIV

Thaum Lub Peb Hlis, ACRC tau muaj ob lub rooj sib tham coj los muab cov kev pab uas lawv yuav (POS) rau xyoo tag los no qhia rau sawv daws thiab coj los nug peb lub zej zos saib lawv muaj tswv yim dab tsi los daws txoj kev tau nyiaj pab rau tej pab pawg neeg, tej cov kev kuaj pom hais tias muaj yam teeb meem dab tsi, lub hnuv nyoog, thiab yam lus uas ib cov neeg siv. Yeej muaj neeg coob mus koom ob lub rooj sib tham thiab cov lus sib tham thiab cov ntaub ntawv uas muab sib qhia yeej tseem ceeb rau txoj kev npaj cov dej num thiab cov kev qhia yav tom ntej coj los daws cov teeb meem ntawv txoj kev yuav mus siv cov kev pab. Kuv ua tsaug rau tag nrho cov tib neeg uas tau mus koom thiab tau mus sib tham.

Qhov kawg, ib cov lus qhia txog txoj kev npaj ua ntej hais tias yuav siv nyiaj txiag npaum li cas. Nyob hauv ob lub hlis txuas ntxiv tom ntej no, cov txwj laus khiav hauj lwm rau lub xeev yuav muaj ob lub rooj sib tham hais txog txoj kev npaj ua ntej hais tias yuav siv nyiaj txiag ntau npaum li cas rau cov kev pab uas npaj rau cov tib neeg muaj teeb meem rau ntawm txoj kev loj hlob: Lub Plaub Hlis, Tim 15 yog hnuv uas cov txwj laus Assembly yuav muaj lub rooj sib tham thiab Lub Tsib Hlis, Tim 7 yog hnuv uas cov txwj laus Senate yuav muaj lub rooj sib tham. Lub xeev yuav muab txhua yam uas tau muab pauv nyob hauv tus tswv xeev qhov kev npaj ua ntej hais tias yuav siv nyiaj txiag ntau npaum li cas tso tawm nyob hauv qhov May Revision tsis pub dhau Lub Tsib Hlis, Tim . Cov lus kho dua tshiab ntawm no yeej muab cov kev kws yees hais tias saib yuav muaj lag luam zoo li cas tam sim no coj xav. Peb xav hais tias cov txwj laus yeej yuav muab qhov kev npaj ua ntej hais tias yuav siv nyiaj txiag ntau npaum li cas pauv. Thaum muab cov ntaub ntawv tso tawm, ACRC yuav muab cov lus qhia txhua yam coj los qhia rau peb lub zej zos. Peb yeej xav tau nej lub suab lus los piav cov neeg sawv cev peb hais txog qhov tseem ceeb ntawm lub chaw pab neeg xiam oob qhab txoj tau kev pab thiab tshwj xeeb tshaj, qhov hais tias saib cov kev pab ntawd yuav pab tau cov tib neeg muaj teeb meem rau ntawm txoj kev loj hlob zoo li cas. Tos saib yuav muaj dab tsi ntxiv!

KOJ PUAS PAUB?



Lub Chaw Department of Developmental Services yeej muaj ib phab ntawv teev cov hnuv uas qhia hais tias saib yuav muaj dab tsi tshwm sim rau hnuv twg mus rau hnuv twg. Mus saib lawv phab ntawv teev cov hnuv uas qhia hais tias saib yuav muaj dab tsi tshwm sim rau hnuv twg mus rau hnuv twg yog xav mus koom cib fim yuav muaj tom ntej rau cov tib neeg muaj feem.

<https://www.dds.ca.gov/dds-events/>

ACRC COV LUS QHIA TXOG TEJ YAM TSHIAB NTAWM TXOJ KEV TAWM MUS HAIS SAB NRAUM KOM LUB ZEJ ZOS PAUB



Kev Sib Sau Ua Kev Zoo Siab Rau Suav Lub Xyoo Tshiab, Sacramento



Funky Fresh Fridays Oak Park Sacramento



Funky Fresh Fridays Oak Park Sacramento



Natomas Unified School District Lub Rooj Sib Tham Rau LGBTQIA



Empower Yolo and Vision y Compromiso Ob Yam Kev Mloog Neeg Hais Lus thiab Lub Sij Hawm Rau Neeg Qhia Hais Tias Saib Laww Xav Li Cas

Listening Session Practice Run

50:11

Take control Pop out Chat People Raise React View Notes Apps More Camera Mic Share

El plan de programa individual

¡Prepárese para la reunión del Plan de Programa Individual (IPP)!

Explore sus objetivos, y piense qué áreas de su vida son las más importantes para usted en el hogar, en el trabajo y en la comunidad.

Tome decisiones acerca de los tipos de servicios y apoyos que pueda necesitar.

Cómo prepararse para su reunión del IPP:

- ▶ **Fortalezas e intereses:** las actividades que disfruta.
- ▶ **Metas:** ¿qué quiere conseguir en los próximos años?
- ▶ **Estatura y peso:**
- ▶ **Información médica/odontológica:** fechas y propósitos de las últimas citas.
- ▶ **Beneficios (si corresponde):** detalles de Servicios de Apoyo a Domicilio (IHSS)/Seguridad de Ingreso Suplementario (SSI) o interés en solicitarlos.
- ▶ **¿Toma algún medicamento?** Nombre y dosis de los medicamentos.
- ▶ **¿Realiza actualmente alguna terapia en centros no regionales?** Nombre del proveedor, horario.
- ▶ **Su educación:** la fecha de la última reunión del IEP/Plan 504.
- ▶ **¿Cambios desde el IPP del año pasado?**
 - ▶ **Escuela:** nombre, calendario de clases, nombre del maestro, servicios actuales del IEP.
 - ▶ **Niveles de independencia:** ¿necesita ayuda para vestirse, bañarse, usar el inodoro o comer?
 - ▶ **Interacción social:** comodidad en entornos sociales, habilidades de comunicación y relaciones con pares.
- ▶ **Preocupaciones:** cualquier desafío relacionado con el comportamiento, la seguridad, la vida en el hogar, el acceso a la comunidad, la educación o la atención médica/odontológica.

PRIDE INDUSTRIES QHOV KEV SIB SAU UA KEV ZOO SIAB RAU ZAUM 60



Mus saib PRIDE Industries cov yeeb yaj kiab hais txog kev sib sau ua kev zoo siab rau xyoo 60



Lub Peb Hlis ntawm no, PRIDE Industries yeej zoo siab los mus sib sau ua kev zoo siab rau ib qhov uas tsim nyog zoo siab - 60 xyoo ntawm txoj kev npaj muaj cib fim, txoj kev uas kom tsis txhob muab cov neeg xiam oob qhab cais, thiab txoj kev pauv lub neej los ntawm kev ua hauj lwm. Txij li thaum xyoo 1966 los mus, PRIDE Industries yeej tau mob siab los mus ua kom cov tib neeg xiam oob qhab tsim ib lub hom phiaj, nyob tau tus kheej tsis tag yuav muaj neeg pab, thiab nyob tau hauv lub zej zos los ntawm txoj kev ua cov hauj lwm uas muaj nuj nqis.

Thaum Lub Peb Hlis, Tim 4, 2026, cov neeg ua hauj lwm, cov neeg nrog peb koom tes, thiab cov neeg txhawb nqa peb yeej tau tuaj sib sau ua ke nyob ntawm PRIDE Industries lub chaw khiav hauj lwm loj nyob hauv Roseville los mus ua kev zoo siab rau ib txoj kev uas tseem ceeb heev. Thaum pib mus rau cov kev pab tau tib neeg tau rau caum lub xyoo, qhov kev sib sau yeej qhuas cov tib neeg, cov kev koom tes, thiab qhov kev mob siab khiav hauj lwm uas tau ua rau lawv ua tau raws nraim li lawv lub zeem muag. Rov qab tham txog qhov hais tias saib lawv khiav tau hauj lwm mus deb npaum li cas, lawv yeej sib sau ua kev zoo siab tsis yog rau qhov uas lawv ua tiav nyob hauv 60 lub xyoo xwb, tiam sis qhov kev cog lus ntawm txoj kev pub muaj kev sib cais, txoj kev muaj cib fim, thiab txoj kev muaj hom phiaj ntxiv mus rau yav tom ntej. KHIAB TAU HAUJ LWM ZOO HEEV PRIDE INDUSTRIES!

KEV QHUAS COV NEEG UA HAUJ LWM UAS TWB UA HAUJ LWM TAU NTEV TXOG COV SIJ HAWM QHUAS LAWM



Thaum peb cov txwj laus Board of Directors lub rooj sib tham thaum Lub Ib Hlis, Tim 22, 2026, peb yeej muaj ib lub cib fim los mus qhuas ACRC cov neeg ua hauj lwm uas twb ua hauj lwm tau ntev txog lub sij hawm qhuas lawm. Thov qhuas peb cov neeg ua hauj lwm uas twb ua hauj lwm tau ntev ntev los lawm.

TUS NEEG UA HAUJ LWM UAS PEB QHUAS NYOB HAUJ LUB IB HLIS 2025 YOG HEIDI DILLEY



Heidi Dilley yog ib tus neeg uas paub pab tib neeg thiab paub coj tib neeg thaum nws ua ib Tus Neeg Saib Xyuas Cov Neeg Pab Tib Neeg. Heidi yeej ua rau neeg pom hais tias nws yog ib tus neeg paub hauj lwm, sib zog khiav hauj lwm, thiab xav pab tib neeg thaum nws tuav Grass Valley/Truckee cov chaw khiav hauj lwm nyob rau ib lub sij hawm uas muaj kev pauv thiab muaj teeb meem.

Nyob hauv tsib xyoo tag los no, Heidi yeej tau ntsib ib cov teeb meem nyuaj, suav nrog rau txoj kev muaj coob tus neeg so hauj lwm uas ua rau tsis muaj cov tib neeg tuav ntaub ntawv txaus, thiab txoj kev muaj neeg coob mus siv qhov Kev Pab Cuam Kom Tus Neeg Paub Txiaiv Txim Rau Tus Kheej, tiam sis nws yeej tseem khiav hauj lwm luag ntxhi thiab tsis npau taws li. Qhov uas Heidi ua tau lub siab tu, xav txog qhov uas yuav daws tau qhov teeb meem, thiab kev txhawb nqa yeej ua rau muaj ib qhov zoo rau cov neeg ua hauj lwm thiab cov tib neeg thiab cov yim neeg uas peb pab lawv tib si.


Qhov uas Heidi paub nrog lwm tus neeg tu siab, ua tau ib tus neeg uas lwm tus neeg yuav cia siab tau rau, thiab txoj kev ua tag los rov qab ua dua ib yam dab tsi txawm hais tias nws ntsib teeb meem yeej yog qhov uas qhia hais tias nws yog ib tus neeg coj tib neeg. Nws yeej niaj hnuv ua ib tus qauv qhia hais tias siab txoj kev ua neeg muaj meej mom thiab siab zoo. Txawm hais tias nws yeej muaj hauj lwm ntau ua los, nws yeej khiav tau nws txoj hauj lwm tsis muaj kev cov nyom dab tsi thiab yeej xyuas kom meej hais tias cov ntaub ntawv sau tseg thiab cov ntawv sib txuas lus yeej sau tau zoo ib yam li cov qauv. Nws txoj kev paub sau ntawv thiab txoj kev txheeb kom muaj txhua yam nyob hauv yeej yog ib yam uas muaj txiaj ntsim heev rau peb.

Ntxiv rau txoj hauj lwm tuav Grass Valley lub chaw khiav hauj lwm, Heidi los yeej niaj lim piam mus pab hauj lwm, mus qhia, thiab mus coj cov tib neeg ua hauj lwm nyob ntawm Truckee lub chaw khiav hauj lwm. Qhov hauj lwm uas nws muaj ntxiv ntawm no, uas nws yeej ua tsis muaj kev xav hais tias puas yuav ua, yeej yog ib qhov uas qhia hais tias nws yeej mob siab hais txog txoj kev ua tau hauj lwm tiav thiab txoj kev noj qab haus huv ntawm nws cov neeg ua hauj lwm thiab ntawm cov neeg uas peb pab lawv.

Heidi los yeej yog ib tus neeg uas neeg yeej hais tias sib zog khiav hauj lwm txhua lub sij hawm, ua lwm tus neeg lub siab kaj. Nws yeej nrhiav tau sij hawm los mus xa lus txhawb siab, lus ua tsaug, los sis los mus qhia rau cov neeg nrog nws khiav hauj lwm hais tias nws nyob qhov twg los sis nws ua dab tsi - tsis hais txog qhov hais tias nws yuav muaj hauj lwm ntau npaum li cas li. Tej yam me me uas nws ua ntawm no yeej ua rau lub chaw hauj lwm muaj kev sib ntseeg siab, muaj kev paub zoo, thiab muaj kev khiav hauj lwm tau zoo.

Vim nws txoj kev paub hauj lwm zoo, nws txoj kev sib zog khiav hauj lwm uas tsis muaj lwm tus neeg yuav ua tau, thiab txoj kev muaj lub siab zoo, Heidi yeej yog ib tus neeg uas tsim nyog tau qhov kev qhuas ntawm no. Nws yog ib tus neeg uas qhia hais tias txoj kev ua ib tus coj uas muaj kev hluv tshua yog txhais li cas, thiab txhua yam uas nws ua yeej ua rau peb lub chaw tuav dej num muaj qhov zoo txhua txhua hnuv.

TUS NEEG UA HAUJ LWM UAS PEB QHUAS NYOB HAUJ LUB OB HLIS 2026 YOG NORMA VIDAURRETA



Norma Vidaurreta yog ib tus Lead Community Services Specialist nyob hauv Specialized Services and Supports Unit. Nyob hauv txoj hauj lwm ntawm no, nws yog ib tus neeg paub txog lub chaw tuav dej num Community Services Department thiab yog tus neeg uas pab lub chaw tuav dej num khiav cov ntawv Health and Safety Waivers. Nws yeej tau mus koom cov rooj sib tham mus qhia cov lag luam hais txog txoj kev khiav cov ntaub ntawv Health and Safety Waivers thiab yeej tau pab khiav cov kev txheeb xyuas ntawm tshooj cai Title 17 txoj kev soj ntsuam rau cov tsev Specialized Residential Facilities.

Norma yeej daws cov teeb meem ua nyuaj thiab muaj ntau yam dej num ua zoo li ib tus neeg paub hauj lwm thiab tsis npau taws. Nws yog ib tus neeg uas ua rau neeg muaj zog thaum nws nkag mus rau hauv ib chav tsev. Norm yog ib tus neeg siab ntev thiab ua tib zoo mloog neeg cov lus. Nws yeej muaj sij hawm pab tib neeg txhua lub sij hawm thaum ib tus neeg xav tau kev pab.

Norma twb ua hauj lwm nyob ntawm ACRC tau 20 xyoo lawm thiab yeej paub txog ntau ntau uas tshwm sim nyob ntawm lub chaw ntawm no. Norma yeej khiav hauj lwm nrog lub meej mom thiab lub hom phiaj, uas muab tus neeg nws pab ua qhov tseem ceeb. Nws yog ib tus neeg muaj txiaj ntsim ntau heev rau ACRC!





TUS NEEG UA HAUJ LWM UAS PEB QHUAS NYOB HAUV LUB OB HLIS 2026 YOG SINDHU PHILIP

Sindhu Philip yog ib tus kws kho tib neeg txoj kev xav (psychologist) rau Early Intervention (Kev Nqes Tes Pab Thaum Tseem Ntxov), thiab thaum tuav txoj hauj lwm ntawm no, nws yog tus neeg saib xyuas qhov kev teev sij hawm ua hauj lwm txhua lim piam rau cov neeg sib pab khiav hauj lwm rau txoj kev tsim nyog tau cov kev pab nyob hauv tsab cai Lanterman rau cov me nyuam uas siv qhov kev pab cuam ntawm no. Nws yeej ib txwm mus koom thiab tawm suab nyob ntawm txhua lub sij hawm uas teem rau cov neeg sib pab khiav hauj lwm los sib tham, yeej muab cov ntaub ntawv thiab cov ntawv nthuav qhia txheeb xyuas thiab yeej koom tes nrog tag nrho cov kws kho mob los mus xyuas kom meej hais txhua qhov teeb meem yeej muaj cov lus uas qhia tau raws nraim li qhov muaj tiag.

Nws txoj paub thiab paub nws txoj hauj lwm yeej yog ib qhov pom nyob hauv txhua txhua qhov kev sib tham. Nws yeej qhia tau meej, nrog kev ntseeg siab, thiab kev ncaj ncees hais tias saib nws xav li cas. Sindhu yog ib tus neeg uas yeej khiav hauj lwm tau nrog coob coob tus neeg uas sib pab khiav hauj lwm. Txawm hais tias muaj kev pauv nyob hauv txoj kev nrog cov neeg sib pab khiav hauj lwm sib tham los, nws yeej tseem qhib siab lug, pauv tau nws tus kheej, thiab sib zog nrhiav cov kev uas yuav khiav hauj lwm tau zoo ntxiv coj los txhawb nws cov neeg sib pab khiav hauj lwm txoj kev ua hauj lwm. Nws yeej nyiam txoj kev uas muaj ntau hnuv ntxiv rau cov neeg sib pab khiav hauj lwm los mus sib tham, uas yeej ua rau peb khiav tau ntaub ntawv rau cov neeg uas peb pab lawv tsis muaj kev ncuaj sij hawm.

Txhua zaus nws yuav nrog ib tus neeg tham, Sindhu yeej ua lub siab ntev thiab siab zoo, thiab nws yeej ib txwm xyuas kom meej hais tias peb yeej muab txhua tus neeg uas peb pab lawv soj ntsuam raws nraim li qhov uas yuav tau soj ntsuam, muab soj ntsuam kom muaj kev ncaj ncees, thiab muab soj ntsuam kom paub meej.

Sindhu yeej muaj kev cuam tshuam ncaj qha thiab muaj nuj nqis rau peb txoj kev khiav peb txoj hauj lwm thiab lub zeem muag. Nws txoj kev paub thiab txoj paub hauj lwm yeej yog ib qhov tseem ceeb nyob hauv txoj kev txiav txim hais tias saib ib tus neeg puas yuav tsim nyog siv tau cov kev pab nyob hauv tsab cai Lanterman. Cov neeg uas nrog nws ua hauj lwm yeej qhuas nws heev l.


Koj yog tus
Neeg Ua Hauj Lwm
uas peb qhuas nyob
hauv lub hlis


HNUB UAS ARCA MUS NROG COV TXWJ LAUS SAU KEV CAI LIJ CHOJ SIB THAM

Thaum Lub Peb Hlis, ACRC cov neeg ua hauj lwm yeej mus koom Association of Regional Center Agencies (ARCA) Grassroots Day (Hnub Uas Arca Mus Nrog Cov Txwj Laus Sau Kev Cai Lij Choj Sib Tham). Cov neeg muaj feem nyob hauv Grassroots Day uas tuaj ntawm ntau qhov kev pab cov neeg xiam oob qhab yeej tuaj koom tes hais kom cov txwj laus sau kev cai lij choj los mus sau cov kev cai lij choj uas yuav pab tau cov neeg siv lub chaw pab neeg xiam oob qhab ncaj qha. Cov neeg sib pab khiav hauj lwm yeej hais kom muaj lus tswj hwm rau peb yam. 1. AB 2324 - Youth Caregivers Career Pathway Program (Kev Pab Cuam Kom Cov Neeg Tu Cov Tub Ntxhais Muaj Txoj Kev Yuav Mus Ua Tau Cov Hauj Lwm Tseem Ceeb). 2. AB 1670 - Oral Health Services (Cov Kev Pab Uas Muaj Rau Kev Tu Lub Qhov Ncauj thiab Kaus Hniav): Kev Saib Xyuas Txoj Kev Coj Tus Cwj Pwm 3. Tsab Cai Uas Ob Pawg Txwj Laus Twb Muab Lus Pom Zoo Tag Rau Lawm (Concurrent Resolution) - GGRC thiab FDLRC Qhov Kev Sib Sau Ua Kev Zoo Siab Zaum 60.



GOGO GRANDPARENT - NEEG NRHIAV KEV FAJ SEEB RAU COV TSHEB THAUJ NEEG MUS LOS THAUM LAWV TSEEM TAB TOM NRHIAV

Koj puas paub? Tam sim no, ACRC yeej yog ib lub chaw nyob hauv gogograndparent.com uas User Regional Center for Central Valley Regional Center siv coj los pab teem sij hawm rau tsheb thauj neeg mus los rau:


- Cov Dej Num Mus Nyob Sib Tham Ua Si
- Cov Chaw Ua Hauj Lwm
- Cov Sij Hawm Pab Tib Neeg Hauv Cov Hnub Ua Hauj Lwm Ntawm Lub Lim Piam Yav Tsaus Ntuj (Thaum 6 teev tsaus ntuj - 6 teev sawv ntxov)
- Cov Sij Hawm Pab Tib Neeg Hauv Ob Hnub So Hauj Lwm Ntawm Lub Lim Piam (Cov Kev Pab Uas Yuav Tsum Tau Muaj Rau Thaum Hnub Saturday thiab/los sis Sunday)
- Cov Kev Mus Pab Hauj Lwm Dawb
- Cov Kev Mus Xyaum Hauj Lwm
- Tsev Cia Ntawv
- Cov Sij Hawm Teem Mus Ntsib Kws Kho Mob
- Cov kev thauj xa ib yam khoom rov qab
- Dej Num Kawm Ntawv: Sierra College, American River College, Consumnes College, Sacramento City College, Sacramento State University, thiab Folsom Lake College

GoGo Technologies Inc
Vendor Number HC1731
tab tom pab 97 Tus Neeg
Uas Siv ACRC Tam Sim
No



DSP COLLABORATIVE YEEJ MUAB COJ MUS SIV DAV NTXIV RAU LA COUNTY XYA LUB CHAW RCS


Thaum Lub Peb Hlis, Tim 5, 2026, xya lub chaw pab neeg xiam oob qhab nyob hauv Nroog Los Angeles tau muaj lawv thawj kev sib sau DSP Collaborative rau kev nhiav hauj lwm ua. Yeej muaj pua pua tus neeg mus koom thiab lawv yeej tau nrog 80 lub chaw npaj kev pab uas tab tom nrhiav neeg ua hauj lwm sib tham. Peb yeej zoo siab heev hais tias peb twb muab qhov kev pab cuam uas pib ntawm ACRC thiab Valley Mountain Regional Center coj mus siv nyob rau hauv Nroog Los Angeles lawm. Peb yeej cia siab ntsoov hais tias peb yuav muab qhov kev pab cuam DSP Collaborative coj mus siv nyob thoob plaws lub xeev rau xyoo 2027.



DDS MUAJ QHOV KEV QHIA KOM NEEG PAUB MUAB IB QHOV TEEB MEEM TSHWJ XEEB SAU MUAJ NTAUB NTAUV TSEG NYOB NTAWM ACRC

Lub chaw Department of Developmental Services (DDS) yeej tau mus qhia cov neeg khiav hauj lwm hauv California hais tej yam uas tau muab pauv nyob hauv Special Incident Reporting (SIR). ACRC cov neeg ua hauj lwm rau ntau qhov chaw coob tus yeej tau mus koom qhov kev qhia. Koj yeej mus kawm tau kom koj paub ntau ntxiv txog txhua yam uas tau muab pauv nyob hauv SIR nyob ntawm no:

<https://www.dds.ca.gov/transparency/laws-regulations/emergency-and-proposed-regulations/special-incident-reporting-sir/>





ACRC COV KEV SIB SAU LOS MLOOG NEEG HAIS LUS - MLOOG, KAWM, THIAB LOJ HLOB UA KE

Peb yeej zoo siab los mus muab peb lub sij hawm thiab peb lub siab coj los nrog peb lub zej zos sib tham. Nyob hauv peb lub hlis dhau los no, peb yeej sib zog khiav hauj lwm los ua kom peb tau tswv yim los ntawm cov kev sib sau Feedback thiab Listening Sessions, kom peb paub hais tias saib cov neeg uas peb pab ho xav li cas thiab kom peb khiav tau hauj lwm zoo li qhov lawv xav.


Peb twb muaj ntau ntau qhov kev sib sau los mloog saib neeg xav li cas lawm, thaum Lub Ob Hlis, Tim 25, ACRC tau muaj ib qhov kev sib taug qab ntxiv rau cov yim neeg uas lawv yog Neeg Meskas Dub, Neeg Dub, Neeg Caribbean, Neeg Biracial thiab Neeg Muaj Ntau Yam Neeg nyob ntawm ACRC nrog State Council on Development Disabilities.

Peb yeej pom hais tias cov kev sib sau ntawm no yeej yog ib txoj kev uas peb yuav nrhiav tau tswv yim thiab lus pom zoo hais txog ntau yam. Thaum peb mloog saib peb lub zej zos xav li cas, peb yeej tau ib cov ntsiab lus uas yuav pab peb kho cov kev pab thiab pab ua kom peb muaj kev koom tes ntau ntxiv.

Peb yeej npaj hais tias peb yuav muaj cov kev sib sau ntawm no ntau ntxiv nyob rau lub xyoo tom ntej no. Ua ke, peb yuav kho kom lub chaw pab neeg xiam oob qhab yog ib lub chaw uas muaj zog, pab tau tib neeg raws nraim li qhov lawv xav tau - ib qhov kev sib tham rau ib zaug zuj zus mus.

Yog xav mus koom cov kev sib sau los mloog saib cov tib neeg xav li cas, thov mus xyuas ntawm:

<https://www.altaregional.org/calendar>





KEV QHIA HAIS TXOG EARLY START (KEV PIB NTXOV)

Thaum hnuv Tuesday, Lub Ob Hlis, Tim 24, ACRC tau muaj nws thawj qhov Early Start Training Day - ib hnuv los mus kawm, koom tes, thiab los muaj kev lom zem me ntsis. Muaj coob tshaj li 100 tus neeg mus koom, suav nrog rau cov neeg saib xyuas Early Start cov kev pab, cov kws kho mob, thiab cov neeg ua hauj lwm saib xyuas cov kev pab hauv lub zej zos, yeej muaj ib hnuv los mus kawm txog qhov kev pab cuam Early Intervention (Qhov Kev Nqes Tes Pab Thaum Tseem Ntxov) - rau thawj zaug hu xov tooj mus nug mus rau txoj kev npaj qhov IFSP.

Cov kws qhia yeej piav txog cov sij hawm tseem ceeb, tej yam uas yuav tsum tau muaj los sis yuav tsum tau ua, thiab cov kev khiav hauj lwm zoo tshaj los txhawb peb cov neeg uas hlus tshaj thiab lawv tsev neeg. Qhov kev qhia uas peb tus Michelle Matsumoto, SLP, yog tus qhia los yeej muaj txiaj ntsim rau cov neeg uas mus koom, thiab tus kws qhia yeej muaj lus qhia ntau hais txog cov kev pab uas muaj rau kev hais lus thiab kev paub ib yam lus, Augmentative and Alternative Communication (AAC), thiab kev qhia pub mov rau neeg noj. Ntxiv rau qhov no, cov neeg mus koom los yeej tau txais lus qhia tseem ceeb hais kev koom tes nrog peb Cov Chaw Tuav Dej Num Rau Kev Kawm Ntawv thiab rau ntau yam ntxiv.

Hnuv ntawd yeej yog ib hnuv uas muaj ntau yam zoo, uas ua rau cov neeg ua hauj lwm muaj kev ntseeg siab, paub neeg coob ntxiv, thiab muaj txuj ci ntau rau lawv coj mus pab cov me nyuam uas nyuam qhuav pib mus taus kev, cov me nyuam mos ab thiab cov yim neeg nyob hauv peb lub zej zos.



LUS CEEB TOOM: QHOV TSEEM CEEB NTAWM IB QHOV KEV PAB CUAM UAS NPAJ RAU IB TUS TIB NEEG (INDIVIDUAL PROGRAM PLAN) THIAB TWB KOS NPE TAG RAU LAWM

Txoj cai yeej yuav tsum kom ACRC muaj ib Qhov Kev Pab Cuam Uas Npaj Rau Ib Tus Tib Neeg (Individual Program Plan (IPP)) uas tus neeg twb kos npe tag rau lawm ua ntej peb yuav npaj tau cov kev pab thiab kev txhawb rau nws siv. Qhov IPP yog ib tsab ntawv uas qhia cov hom phiaj, cov kev pab, thiab cov kev txhawb uas koj thiab cov neeg sib pab khiav hauj lwm tau pom hais tias yuav zoo rau koj.

Raws li tshooj cai Welfare and Institutions Code 4646(g), ACRC yeej tso lus tsis tau los sis yeej npaj tsis tau cov kev pab mus txog thaum tus neeg kos npe tag rau qhov IPP. Kauj ruam ntawm no yog ib kauj ruam uas qhia hais tias koj yeej yog ib tus neeg uas tau nrog txiaj txim hais txog txoj kev npaj thiab qhia hais tias cov pab yeej yog cov uas koj xaiv thiab yuav tsum tau siv. Peb xav thov kom cov neeg siv kev pab thiab cov yim neeg mus muab lawv qhov IPP txheeb xyuas thiab kos npe rau sai sai sub peb thiaj li yuav pib tau cov kev pab tsis muaj kev ncuaj sij hawm.





IHSS CONNECT YEEJ MUAB NYIAJ COJ MUS PAB ACRC KOM QHIB TAU KEV DAV RAU NEEG MUS SIV KEV PAB

Siv IHSS Connect - California yeej muaj cov neeg hais pua pua yam lus - thiab txoj kev tu tib neeg yeej tsis yog ib yam uas yuav ploj rau ntawm txoj kev txhais ntaub ntawv.

Vim li ntawd IHSS thiaj li yuav muab IHSS Connect txhais ua 11 yam lus - uas txhua tus neeg yuav siv tau dawb. Thaum lub hli ntawm no xaus, cov yim neeg thiab cov neeg tu tib neeg yuav mus siv qhov txuj ci ntawm no hais ua: Lus Arabic, Lus Suav (Mandarin), Lus Askiv, Lus Farsi, Lus Hmoob, Lus Kaus Lim, Lus Punjabi, Lus Lav Xia, Lus Mev, Lus Fis Lis Peej, thiab Lus Nyab Laj.

Txoj kev tu tib neeg yeej yog ib yam uas muaj kev cuam tshuam rau tus kheej, thiab txoj kev nkag siab uas muaj nyob ntawm tus neeg tu thiab tus neeg uas xav tau neeg tu yeej yog ib qhov tseem ceeb. Txawm hais tias nws yog thaum koj tab tom nrhiav kev pab rau ib tus neeg uas koj hlub tshua los sis tab tom nrhiav cov hauj lwm tu tib neeg, txoj kev siv tau qhov txuj ci ntawm no hais ua koj yam lus yeej ua rau koj siv tau yooj yim.

Peb lub hom phiaj yeej ib txwm yog ib yam uas yooj yooj yim: ua kom cov neeg siv IHSS thiab cov neeg npaj kev pab nyob hauv California muaj kev sib nrhiav tau. Txoj kev muab qhov txuj ci txhais ua ntau yam lus yeej yog ib kauj ruam tseem ceeb mus rau lub hom phiaj ntawd.

Thiab qhov uas zoo tshaj? Nws yeej yog ib yam kev pab uas muaj rau neeg siv dawb.

Yog koj paub ib tus neeg uas qhov txuj ci yuav mus txiaj ntsim rau nws txoj nrhiav ib tus neeg tu tib neeg los sis txoj kev yuav ua ib tus neeg npaj kev pab rau IHSS, thov qhia qhov txuj ci ntawm no rau nws. Txoj kev paub tus neeg uas yuav pab tau koj yeej yog ib qhov uas yuav pauv tau txhua yam. Yeej ua tsis tau qhov ntawm no yog peb tsis muaj kev koom tes nrog Alta California Regional Center. Peb yeej tso ntsoov hnuv uas yuav muab lub vas sab tshiab tso tawm uas yog thaum Lub Plaub Hlis, Tim 12. <https://www.ihssconnect.com/>

KOJ YUAV HU XOV TOOJ MUS RAU LEEJ TWG YOG KOJ XAV TAU KEV PAB?

Alta California Regional Center (ACRC) yeej mob siab yuav los pab kom koj mus siv tau kev pab thiab kev txhawb uas koj yuav tsum tau siv. Ntawm no yog cov tib neeg uas koj yuav hu tau xov tooj mus rau them koj xav tau kev pab sai sai.

Kauj Ruam 1: Hu xov tooj mus rau koj Tus Neeg Saib Xyuas Kev Pab

Kauj Ruam 2: Hu xov tooj mus rau koj tus SC's manager (Tus Neeg Saib Xyuas Cov Kev Pab Uas Muaj Rau Neeg Siv). Koj tus SC's Manager lub npe thiab xov tooj yog tus uas muaj nyob rau hauv qab kawg ntawm koj tus SC tus ntawv tes kos npe ntawm nws tsab email.

Kauj Ruam 3: Hu xov mus rau ib tug ntawm ACRC Cov Neeg Khiav Hauj Lwm Saib Xyuas Cov Kev Pab Uas Muaj Rau Neeg Siv: Jennifer Bloom @ (916) 978-6572 los sis Mechelle Johnson @ (916) 978-6653

***Thov nco ntsoov hais tias peb tus neeg txais xov tooj yeej npaj yuav los pab muab koj txuas mus rau tus neeg uas koj yuav tsum tau nrog tham. Thov hu: (916) 978-6400.**

ACRC yeej mob siab yuav los ua kom tau raws nraim li cov kev pab uas koj yuav tsum tau siv vim txoj kev npaj muaj cov kev pab qhua lag luam uas zoo heev.

GRANDCARE SYSTEMS



GrandCare, ib lub lag luam tshiab, yeej tau npaj muaj kev qhia rau ACRC cov neeg ua hauj lwm uas qhia txog cov khoom technology pab tib neeg thiab qhia siv lawv qhov txuj ci uas siv technology coj los pab tib neeg saum huab cua los nthuav kev pab kom dav ntxiv rau cov tib neeg uas siv kev pab.

GrandCare yog ib qhov txuj ci pab tib neeg saum huab cua uas siv ib lub tshuab tablet nyob hauv tus neeg siv kev pab lub tsev thiab siv ib los sis ntau tshaj ib tus neeg ntawm cov neeg uas pab tus neeg coj los ua tus txais thiab teb cov lus ceeb toom. Los ntawm txoj kev npav uas muab tus neeg saib ua qhov tseem ceeb, peb yeej muab qhov kev npaj kho kom muaj txhua yam raws nraim li cov uas tus tib siv kev pab yuav tsum tau siv thiab raws nraim li tus neeg siv kev pab cov hom phiaj. Cov kev kho yeej muaj: Kev Pab Rau Txoj Kev Noj Qab Nyob Zoo Ntawm Qhov Uas Lub Paj Hlwb Paub Txog Los Sis Xav Tau Ub No: Lus qhia kom nco qab ua Cov Dej Num Uas Yuav Tau Ua, Yeeb yaj kiab qhia ntau kauj ruam txog kev npaj cov lus qhia kom nco qab, Lus qhia kom nco qab noj tshuaj, thiab lus qhia kom nco qab hais tias yuav dab tsis tshwm sim rau hnuv twg mus rau hnuv twg. Qhov txuj ci yuav qhia rau cov neeg khiav hauj lwm paub yog thaum twg tus neeg tsis ua ib yam uas muaj lus qhia kom nco qab ua.

Kev soj ntsuam dej num: muaj cov tshuab ntes thaum pom dab tsi ua zog thiab thaum qhov rooj qib. Qhov txuj ci yuav qhia rau cov neeg khiav hauj lwm paub yog thaum twg muaj ib tej yam dab tsi ua zog txawv nyob hauv lub tsev.

Kev ntsib kws kho mob saum huab cua (Telehealth): lus qhia kom nco qab ntsuas tej yam ntawm txoj kev noj qab nyob zoo: ntshav siab, oxygen, qhov kub ntawm lub cev, piam thaj, qhov hnyav ntawm lub cev thiab yeej cia li khaws tseg rau hauv lub tshuab. Qhov txuj ci los yeej muab cov kev ntsuas ntawd tso tau rau ntawm cov rooj teev lus los sis tso ua duab kom nyeem tau yooj yim. Qhov txuj ci yuav qhia rau cov neeg khiav hauj lwm paub yog thaum twg tsis muaj ib qhov kev ntsuas los sis muaj ib qhov kev ntsuas uas siab dhau los sis qes dhau lawm.

Kev Nrog Neeg Sib Tham/Kev Nrog Neeg Hais Lus: Tsev neeg thiab cov phooj ywg yeej xa tau xov, duab, thiab nrog tham tau hauv yeeb yaj kiab. Yeej muab games, lus nug, lus tso dag tso luag, thiab yeeb yaj kiab uas neeg siv kev pab nyiam tso tau rau hauv lub tablet.

Neeg yeej mus nrhiav tau ntaub ntawv thiab yeeb yaj kiab qhia ntxiv nyob ntawm [GrandCare Videos](#)

Cov tib neeg uas lawv xav siv GrandCare System yuav tsum tau nrog lawv Tus Neeg Saib Xyuas Kev Pab sib tham thaum npaj qhov IPP. Ces Tus Neeg Saib Xyuas Kev Pab mam li muab tus neeg siv kev xa mus rau GrandCare thiab GrandCare mam li yuav muaj ib qhov ntsuam xyuas saib yuav muab qhov txuj ci pab tib neeg saum huab cua kho zoo li cas es thiaj li yuav yog qhov zoo tshaj rau tus neeg.

ACRC THIAB ODYSSEY LIFE CENTER TWB MUAB QHOV KEV SIM SIV RAY BAN META COJ MUS SIM SIV RAU TXOJ KEV UA HAUJ LWM LAWM

Tom qab khiav tau lub chaw Department of Developmental Services Qhov kev Sim Siv Khoom Technology, tam sim no, ACRC tab tom pauv ntawm kev sim khoom technology coj los pab kom neeg nyob tau tus kheej mus raua kev sim khoom technology coj los pab txoj kev ua hauj lwm. ACRC tau koom tes nrog Odyssey Life Center rau ib qhov kev sim siv cov iav qhov muag Ray Ban Meta rau Txoj Kev Ua Hauj Lwm. Qhov kev sim siv yuav muaj txaus txaus kaum tus neeg siv thiab yuav qhia hais tias saib cov iav qhov muag yuav pab tau cov neeg ua hauj lwm zoo li cas hais txog txoj kev ua tau hauj lwm tus kheej, txoj kev ua tau tiav qhov hauj lwm, txoj kev nyab xeeb, thiab txoj kev sib txuas lus. India, ib tus neeg tawm suab pab tus kheej uas yog neeg dig muag thiab nws siv nws lub iav qhov muag coj los pab nws ua hauj lwm thiab ua neej, yog tus uas yuav qhia cov neeg khiav hauj lwm rau qhov kev sim siv.



ACRC COV NEEG TAWM SUAB PAB TUS KHEEJ MUS KOOM CSS TUS COJ, CPCIDD, THIAB LHA RAU TXOJ KEV UA TXWJ LAUS NYOB NTAWM HOUSING CALIFORNIA

Lanterman Housing Alliance (LHA) thiab California Policy Center for Intellectual and Developmental Disabilities yeej tau caw Tus Neeg Tawm Suab Pab Tus Kheej Lisa Cooley thiab Peter Mendoza mus koom lub rooj sib tham Housing California Conference hauj lub xyoo, nrog rau ACRC Tus Neeg Khiav Hauj Lwm Saib Xyuas Cov Kev Pab thiab Kev Txhawb Uas Muaj Nyob Hauv Lub Zej Zos John Decker. Housing California yog lub rooj sib tham loj tshaj nyob hauv lub Xeev uas tau sib zog los ua kom tsis txhob cov neeg tsis muaj vaj tse nyob thiab kom muaj cov tsev uas neeg yuav them taus ntau ntxiv.

Lub npe ntawm lawv lus sij hawm sib tham yog hu ua *Intersectional Coalitions (Kev Koom Tes Ntawm Cov Neeg Uas Tsis Yog Tib Yam Neeg): Kev Ua Kom Muaj Kev Ncaj Ncees Rau Cov Neeg Xiam Oob Qhab Nyob Hauv California Cov Kev Daws Teeb Meem Vaj Tse*. Lisa piav txog cov teeb meem ntawm cov neeg xiav oob qhab txoj kev mus nrhiav cov tsev uas tus nqi pheej yig nyob. Peter piav txog cov cai uas cov neeg xiam oob qhab muaj hais txog vaj tse. Peter cia li mob thaum hnuv yuav muaj qhov kev sib sau, tiam sis Lisa thiab John yeej piav tau cov ntaub uas Peter npaj. Darin Lounds, Tus Thawj Coj Saib Xyuas Hauj Lwm Ntawm Housing Consortium nyob East Bay, tau tham txog kev ua vaj tse rau cov tib muaj teeb meem rau ntawm txoj kev loj hlob nyob. John Decker piav txog cov kev pab uas lub chaw pab neeg xiam oob qhab muaj nyiaj pab, nrog sau tag nrho peb txoj kev ua cov vaj tse rau ntau yim neeg nyob thiab tseg ib cov rau cov neeg siv lub chaw pab neeg xiam oob qhab thiab lawv tsev neeg nyob. *Ib daim duab uas muaj Teresa Anderson CPCIDD thiab Darin Lounds LHA, Lisa Cooley, thiab John Decker. Ib daim duab uas muaj Peter nyob rau thaum peb muab peb cov ntaub ntawv piav qhia rau sawv daws.*




MICROENTERPRISE (LAG LUAM ME) YOG DAB TSI?

Kev Ua Hauj Lwm Rau Tus Kheej (kuj muaj npe hu ua micro-enterprise (lag luam me)), yog cov tib neeg uas muaj teeb meem xiam oob qhab rau ntawm txoj kev loj hlob uas lawv qhib lawv ib lub lag luam. Cov tib neeg uas muaj teeb meem rau ntawm txoj kev loj hlob yeej pib qhib lawv cov lag luam zuj zus lawm. Lub chaw pab neeg xiam oob qhab thiab cov neeg tawm suab pab yeej pab koj pib tau.

Qhov ua ntej tshaj, koj yuav tsum tau muaj ib cov tib neeg khiav hauj lwm [uas txhawb koj lub zeem muag hais txog kev ua hauj lwm]. Koj cov neeg khiav hauj lwm yuav txiav txim hais tias saib koj yuav siv cov kev pab thiab cov nyiaj twg coj los pib koj lub lag luam. Xav hais tias saib dab tsi yog yam uas koj ua tau zoo thiab dab tsi yog qhov koj nyiam siv koj lub sij hawm rau. Teev ib cov hom phiaj rau koj lub lag luam. Ces, sau ib tsab ntawv hais txog koj lub lag luam thiab ua kom muaj tshwm sim! Cov tswv lag luam me ua piv txwv rau txoj kev ua hauj lwm rau tus kheej: ua tus neeg pab ntawm ib tus neeg los sis ua ib tus neeg pab tswv yim rau lwm tus neeg, txais tos tib neeg, ua cov khoom coj kom zoo nkauj zoo nraug los sis duab thiab cov khoom siv tes ua. Koj yeej ua tau ib tus neeg ntaus ntawv, tu tog vaj tog tsev, los sis qhwv khoom plig. Koj yeej ua tau ib lub lag luam zom ntawv los sis zov tsiaj. Koj yeej ua tau ib tus tswv rau ib lub lag luam uas siv tshuab muag khoom, ib lub lag luam uas txais coj khoom qub coj mus siv ua khoom tshiab, los sis ib lub lag luam ua cov ntawv xa xov thiab ntawv.

Muab ntawm <https://rula.disabilityrightsca.org/rula-book/chapter-9-community-participation-work-day-and-leisure-activities/could-i-be-self-employed-in-my-own-business/> los

LESLEE SUE COWLING - LAG LUAM ME ZOV TSIJ



Leslee Sue
Cowling Pet
Sitting
Hu tau 
xov tooj mus rau
(916)755-2724
dodsitting88@
mail.com



Leslee Sue Cowling pib nws txoj kev zov tsiaj thaum xyoo 2018, uas nws tau tswv yim los ntawm nws txoj kev nrhiav hauj lwm uas yeej ua rau nws zoo siab heev. Tau tsis ntev xwb, nws twb paub hais tias txoj kev saib xyuas tsiaj yeej tsis yog ib txog hauj lwm xwb - kev saib xyuas tsiaj yeej yog ib txoj hauj lwm uas nws yug los ua.

Nws thawj txoj hauj lwm zov dej yog zov ib tus dev hu ua Coco, thiab txij li thaum ntawd los mus, nws lub meej mom thiaj li pib nrov vim neeg muab lus qhuas. Tsis ntev xwb, Leslee cia yog ib tus neeg uas tsis hais lus hnyav rau leej twg, yog ib tus neeg uas neeg yuav cia siab tau rau, thiab yog ib tus neeg uas saib xyuas txhua txhua tus tsiaj zoo.

Leslee txoj kev ntseeg yog ib qhov uas tsis muaj ntau yam thiab muaj kev ncaj ncees: hlub txhua tus tsiaj zoo li lawv yog nws tus tsiaj thiab ua rau lawv xav hais tias yeej nyob hauv lawv lub tsev. Nws pub khoom rau noj, muab tshuaj rau siv thaum yuav tsum tau muab, thiab saib xyuas zoo kom txhua tus tsiaj muaj kev nyab xeeb, nyob tau tsis ntshai dab tsi, thiab tu lawv zoo thaum lawv tus tswv tsis nyob tsev lawm. (Thov nco ntsoov hais cov tswv ntawm tus tsiaj yog cov muaj feem cuam los npaj khoom noj rau lawv tus tsiaj nyob rau lub sij hawm uas muaj neeg saib xyuas.)

Yog koj xav ntiav Leslee rau zaum uas koj yuav mus ncig ua si yav tom ntej los sis thaum koj xav tau neeg saib xyuas koj tus tsiaj, thov hu xov tooj mus rau nws:

Tus Xov Tooj: (916) 755-2724

Tus Email: dodsitting88@mail.com

Lub vas sab: https://www.rover.com/members/leslee-c-pet-sitting-god-and-you-would-love/?service_type=overnight-boarding&frequency=onetime&pet_type=dog#services

COV LAG LUAM TSHIAB UAS NPAJ KEV PAB CUAM LUB KAUM OB HLI, TIM 31, 2025

Lub Chaw Muaj Kev Pab Lub Npe	Qhov Kev Pab Tus Code (Service Code)
AIM HIGHER INC	Kev Zov Neeg Laus Thaum Nruab Hnub (531)
ROBBINS ACADEMY	Kev Zov Neeg Laus Thaum Nruab Hnub (531)
SQUARE PEG FOUNDATION CIT	Kev Zov Neeg Laus Thaum Nruab Hnub (531)
GET SOCIAL THERAPY, INC.	Kws Txheeb Xyuas Kev Coj Tus Cwj Pwm (613)
MAXIM HEALTHCARE SERVICES	Kws Txheeb Xyuas Kev Coj Tus Cwj Pwm (613)
ABA NEXUS	Kws Txheeb Xyuas Kev Coj Tus Cwj Pwm (612)
ASPIRE BEHAVIOR CONSULTIN	Kws Txheeb Xyuas Kev Coj Tus Cwj Pwm (612)
TOGETHER BEHAVIOR SOLUTIO	Kws Txheeb Xyuas Kev Coj Tus Cwj Pwm (612)
ASPIRE BEHAVIOR CONSULTIN	Lwm Thawj Saib Xyuas Txoj Kev Coj Tus Cwj Pwm (616)
ASPIRE BEHAVIOR CONSULTIN	KWS PAB KEV COJ TUS CWJ PWM (616)
MAXIM HEALTHCARE SERVICES	KWS PAB KEV COJ TUS CWJ PWM (616)
MAXIM HEALTHCARE SERVICES	KWS PAB KEV COJ TUS CWJ PWM (616)
CYNTHIA BAUTISTA, PSYD	Cov Kws Kho Tib Neeg Txoj Kev Xav (785)
SPARK SPECTRUM	Cov Kws Kho Tib Neeg Txoj Kev Xav (785)
CENTRAL VALLEY TRAINING	Kev Saib Xyuas Cov Kev Ua Hauj Lwm (956)
INALLIANCE CCP	Kev Saib Xyuas Cov Kev Ua Hauj Lwm (956)
CHAYIM HEALTHCARE LLC	KEV SAIB XYUAS TSEV NEEG COV KHOOM SIV (76)
CIVITAS LLC	KEV SAIB XYUAS TSEV NEEG COV KHOOM SIV (76)
IN HIS NAME DOCUMENT SERV	KEV SAIB XYUAS TSEV NEEG COV KHOOM SIV (76)
WORTHY HUMANS INC	KEV SAIB XYUAS TSEV NEEG COV KHOOM SIV (76)
ARABESQUE MUSIC LLC	Kev Qhia Kos Duab (94)
MR. KEVINS GUITAR & PIANO	Kev Qhia Kos Duab (94)
ACTIVE LIFE MEDICAL PRODU	Chaw Muag Cov Khoom Pab Neeg Mob Uas Yuav Siv Tau Ntev (725)

COV LAG LUAM TSHIAB UAS NPAJ KEV PAB CUAM LUB KAUM OB HLI, TIM 31, 2025

ALL ABOARD SPEECH THERAPY	Cov Kev Pab Tshwj Xeeb Uas Yuav Pib Ntxov (116)
ANGELA ROBINSON	Cov Kev Pab Tshwj Xeeb Uas Yuav Pib Ntxov (116)
BEAMING HEALTHCARE GROUP	Cov Kev Pab Tshwj Xeeb Uas Yuav Pib Ntxov (116)
LITERACY AND SPEECH THERA	Cov Kev Pab Tshwj Xeeb Uas Yuav Pib Ntxov (116)
MARNIE ADAMSON, OTR/L	Cov Kev Pab Tshwj Xeeb Uas Yuav Pib Ntxov (116)
NEURAL PATHWAYS SPEECH TH	Cov Kev Pab Tshwj Xeeb Uas Yuav Pib Ntxov (116)
PARTNERS IN PLAY SPEECH T	Cov Kev Pab Tshwj Xeeb Uas Yuav Pib Ntxov (116)
PHAMILY SLP	Cov Kev Pab Tshwj Xeeb Uas Yuav Pib Ntxov (116)
LIFT & TRANSFER SPECIALIS	Kev Siv Tau Txhua Yam Ib Puag Ncig (104)
ENRICHING LIVES AMP INC	Lub Chaw Tuav Dej Num Saib Xyuas Tsev Neeg Lub Tsev (904)
PADUA ASSISTED LIVING 2	Tsev Saib Xyuas Cov Neeg Uas Muaj Hnub Nyoog Siab Lawm (96)
ADULT ENRICHMENT SUPPORT	Kev Pab Cuam Rau Kev Nyob Tau Tus Kheej Tsis Tag Muaj Neeg Pab (520)
INDEPENDENCE BRIDGE	Kev Pab Cuam Rau Kev Nyob Tau Tus Kheej Tsis Tag Muaj Neeg Pab (520)
STEPPING EVOLUTION INC	Kev Pab Rau Cov Me Nyuam Mos Ab Txoj Kev Loj Hlob (805)
D & V ENHANCEMENT	Kev Saib Xyuas Neeg Mob Thaum Nruab Hnub (533)
A1 SENIOR CARE	Kev Pab Saib Xyuas Neeg Uas Tsis Yog Saib Xyuas Hauv Tus Neeg Lub Tsev (868)
BMJ GARCIA CARE HOME 4	Kev Pab Saib Xyuas Neeg Uas Tsis Yog Saib Xyuas Hauv Tus Neeg Lub Tsev (868)

COV LAG LUAM TSHIAB UAS NPAJ KEV PAB CUAM LUB KAUM OB HLI, TIM 31, 2025

KINDRED RESIDENTIAL CARE	Kev Pab Saib Xyuas Neeg Uas Tsis Yog Saib Xyuas Hauv Tus Neeg Lub Tsev (868)
WHOLE FAMILY CARE HOME	Kev Pab Saib Xyuas Neeg Uas Tsis Yog Saib Xyuas Hauv Tus Neeg Lub Tsev (868)
ABOVE AND BEYOND HOME CAR	Kev Muaj Neeg Pab Ib Tus Neeg (62)
COMFORT CARE AGENCY INC.	Kev Muaj Neeg Pab Ib Tus Neeg (62)
MAXIM HEALTH CARE SERVICE	Kev Muaj Neeg Pab Ib Tus Neeg (62)
MERRIE'S PLACE HOMEMAKERS	Kev Muaj Neeg Pab Ib Tus Neeg (62)
PERSONAL ASSISTANTS FOR L	Kev Muaj Neeg Pab Ib Tus Neeg (62)
RYAN MALLORY	Kev Muaj Neeg Pab Ib Tus Neeg (62)
OPTIMAL PHARMACY	Kev Pab Rau Kev Muab Tshuaj (765)
ALL CARE THERAPIES	Kev Pab Rau Kev Luam Ntaww/Kev Tshaj Tawm/Kev Qhia Neeg Siv (100)
SUZANNA GEE LICENSED MARR	Kev Pab Rau Kev Luam Ntaww/Kev Tshaj Tawm/Kev Qhia Neeg Siv (100)
HOPEFUL HAVEN CARE HOME	Cov Tsev Neeg Laus Nyob - Tus Tswv Yog Tus Khiav (905)
FOREST HOME	Cov Tsev Neeg Laus Nyob - Ntiav Neeg Los Khiav (915)
CARING HAVEN INC	Cov Tsev Neeg Laus Nyob - Ntiav Neeg Los Khiav (915)
CARLITO'S CARE HOME	Cov Tsev Neeg Laus Nyob - Ntiav Neeg Los Khiav (915)
JOHNSON CARE HOME LLC	Cov Tsev Neeg Laus Nyob - Ntiav Neeg Los Khiav (915)
MADRIAGA CAREHOME	Cov Tsev Neeg Laus Nyob - Ntiav Neeg Los Khiav (915)
MAPLEWOOD MANOR	Cov Tsev Neeg Laus Nyob - Ntiav Neeg Los Khiav (915)
NEMA CARE HOME LLC	Cov Tsev Neeg Laus Nyob - Ntiav Neeg Los Khiav (915)

COV LAG LUAM TSHIAB UAS NPAJ KEV PAB CUAM LUB KAUM OB HLI, TIM 31, 2025

ADJOIN	SD COV KEV PAB (99)
LINKING PATHWAYS	SD COV KEV PAB (99)
SURICO, ZERO (SDP)	SD COV KEV PAB (99)
SWATHI ALLAMESETTI	SD COV KEV PAB (99)
UCP SADDLE PALS	Kev Qhia Neeg Rau Txoj Kev Ua Si (106)
CITY OF TREES ASSESSMENT	Kev Pab Rau Cov Kev Kho Tshwj Xeeb (hnuv nyooq 21+) (117)
MAXIM HEALTHCARE SERVICES	Kev Pab Rau Cov Kev Kho Tshwj Xeeb (hnuv nyooq 21+) (117)
SIERRA ASSESSMENT CENTER	Kev Pab Rau Cov Kev Kho Tshwj Xeeb (hnuv nyooq 21+) (117)
SUN SURGICAL DENTAL GROUP	Kev Pab Rau Cov Kev Kho Tshwj Xeeb (hnuv nyooq 21+) (117)
THE BLOOMING MIND, LLC	Kev Pab Rau Cov Kev Kho Tshwj Xeeb (hnuv nyooq 21+) (117)
PRIME FITNESS PLUS LLC	Kev Ua Kis Las (8)
CALIFORNIA NORTHSTATE	Nyaj Qhib Lag Luam Rau CPP/PDF (999)
SAGE RESIDENCES LLC	Nyaj Qhib Lag Luam Rau CPP/PDF (999)
CREATING A LEGACY INC	Cov Kev Pab Kom Tus Neeg Nyob Tau (896)
RESTORATION HOPE LLC	Cov Kev Pab Kom Tus Neeg Nyob Tau (896)
LANGUAGE WORLD SERVICES,	Kws Txhais Lus (643)
AKD TRANSPORTATION LLC	Kev Pab Rau Kev Thauj Mus Los (882)
JAHMIR LLC	Kev Pab Rau Kev Thauj Mus Los (882)
RELIABLE MED-TRANS LLC	Kev Pab Rau Kev Thauj Mus Los (882)
SEC TRANSPORTATION-NORTH	Cov Tsheb Thauj Pej Xeeb Mus Los/Tsheb Xauj/Tsheb Ntiav (895)